

四庫全書

子部

欽定四庫全書

子部

王海卷二十一

詳校官給事中_臣查善長

主事_臣祁韻士覆勘

總校官進士_臣朱 鈐

校對官編修_臣朱 攸

謄錄監生_臣夏清和

欽定四庫全書

玉海卷二十一

宋 王應麟 撰

地理

河渠

古者治水或以佐耕或以通漕白公引涇嚴安導洛
農民獲其利而轉漕之功弗聞宇公廝流韋堅堰渭
漕運僅得其便而灌溉之績弗著兼斯二者厥惟美

哉

禹九河

禹貢兗州九河既道又北播為九河同為逆河入於海
注河水分為九在兗州界平原以北是正義爾雅九河
之名曰徒駭太史馬頰覆釜胡蘇簡絮鉤盤鬲津鄭玄
云周時齊桓公塞之同為一河今河間弓高以東至平
原鬲津往往有其遺處春秋緯寶乾圖云移河為界在
齊呂填闕八流以自廣鄭元據此文言塞其東流八枝

并使歸徒駭也釋水云河出崑崙虛漢西域傳云河有
兩源一出葱嶺一出于闐于闐在南山下其河北流與
葱嶺河合東注蒲昌海南出於積石為中國河九河將
欲至海更同合為一大河名為逆河而入於渤海周

頌允猶翕河鄭氏箋河自大陸之北數為九祭者合為
一正義鄭志答張逸云鉅鹿今名廣河澤然則河從廣
河之北分為九也爾雅從釋地已下至九河皆禹所

名也疏李巡曰禹疏九河以徒衆起故曰徒駭

顏氏曰
人徒驚

駭大使徒衆通其水道故曰太史河勢上廣下狹狀如馬頰故曰馬頰水中多渚往往而處形如覆釜故曰覆釜胡蘇下流也簡河水深而大也絜言水多山石治之苦絜鉤盤言河水曲如鉤屈折如盤鬲津河水狹小可隔以為津也孫炎曰徒駭禹疏九河用功雖廣衆懼不成故曰徒駭胡蘓水流多散胡蘇然顏氏曰下流急疾之貌其餘同郭云徒駭今在成平東光縣今有胡蘇亭鬲盤今皆為縣餘名皆云其義未詳

漢地志魏郡鄆縣故大河在東北入海勃海郡東北有胡

蘇序成平庫池河曰徒駭河平原郡鬲平當以為鬲津
般顏注云用雅九河鉤盤郭璞以為水曲如鉤流般旋

也禹陳九河云復其故道名應先有不宜徒駭太史因
禹立名此郭氏所未詳也或禹治水更別立名許商上
書曰古記九河之名云云是知九河所在徒駭最北鬲
津最南蓋徒駭是河之本道東出分為八枝也許商上
言三河下言三縣則徒駭在成平胡蘇在東光鬲津在
鬲縣其餘六者大史馬頰覆釜在東光之北成平之南
簡帛鉤盤在東光之南鬲縣之北也其河填塞時有故

道鄭玄云齊桓公塞之

詩書正義同 史記正義 駭在滄州景城馬頰覆釜在德州

安德胡蘇兩津在滄州胡
撫簡在貝州歷亭縣界

漢志齊人延年上書開大

河上領出之胡中東注之海武帝報曰河迺大禹所道

也聖人作事為萬世功通於神明恐難改更成帝時許

商以為古說九河之名有徒駭胡蘇鬲津今見在成平

東光鬲界中

師古曰此九
河之三也

自鬲以北至徒駭間相去二

百餘里孫禁所欲開者在九河南馮遂言禹非不愛民

力以地形有執故穿九河今既滅難明李尋解光言議

者常欲求索九河故迹而穿之今因其自決可且勿塞
以觀水執哀帝初平當奏言九河今皆寔滅宜求能浚
川疏河者賈讓言禹鑿龍門辟伊闕析底柱破碣石墮
斷天地之性王莽召能治河者關並言河決常於平原
東郡左右禹治河時本空此地韓牧以為可略於禹貢
九河處穿之縱不能為九但為四五宜有益王橫言九
河之地已為海所漸禹之行河水本隨西山下東北去
周譜云定王五年河徙則今所行非禹之所穿也贊曰中

國川原以百數莫著於四瀆而河為宗敘曰商竭周移

秦決南涯自茲距漢北亡八支注九河餘有一也杜佑通典

九得其六四在景城二在平原其太史簡繁未詳處所許商得其三史河渠書禹以

為河所從來者高水湍悍難以行平地數為敗乃廝二

渠以引其河北載之高地過降水至於大陸播為九河

同為逆河入於勃海謂北分為九河以殺其怒又至滄州同合為一大河名逆河至平州

碣石山而入渤海皆禹所加功故叙之碣石海邊山名在北平郡驪城西南河口之地今平州之南地志魏郡

鄴縣有故大河在東北直達于海疑即禹之故河舜紀唯禹之功為大牧九

山通九澤決九河定九州 李斯傳韓子曰禹疏九河

曲九防 孟子禹疏九河 荀子成相禹北決九河通

十二渚疏三江 淮南子禹剔河而道九歧鑿江而通

九路

又曰禹為水以身請于陽盱之河

賈誼新書大禹鬻河而道之

九牧鑿江而導九路澄五湖而定東海 禮匠人注禹

鑿龍門播九河為此逆防與不理孫出也 左傳西至

于河正義釋例曰河出西平西南二千里從西平東北

經金城故北地朔方五原至故雲中南經平陽河東之

西界東經河東河內之南界東北經汲郡頓丘陽平
原樂陵之東南入海案驗其地自大伾以上河道不改
大伾以下即是汲郡以東河水東流秦漢以來始然也
古之河道自大伾而北過泲水故迹不可復知其大陸
則趙地之廣澤也大陸以北播為九河九河故道河間
成平以南平原鬲縣以北徙駭最西以次而東中候云
齊桓霸遏八流以自廣計桓公之時齊之西竟當在九
河之最西

徙駭齊之西界

穆天子傳升于盟門九河之陞注

尸子曰河出于盟門之上

水經注穆天子傳曰北登盟門九河之蹙東入般縣為般

河蓋亦九河之一道也

楚詞與女游兮九河

選注春秋命歷序曰人皇九頭提羽

蓋乘雲車出賜谷分九河

徐幹齊都賦川瀆則洪河洋洋發源崑

崙九流分逝北朝滄淵驚波沛厲望沫揚奔 山海經

崑崙墟在西北河水出其東北隅河水出勃海又海水

西北入禹所道積石山 水經注河出崑崙重源潛發

淪于蒲昌出于海水故洛書曰河自崑崙出于重野成

公子安大河賦曰潛崑崙之峻極出積石之嵯峨釋氏

西域傳曰河自蒲昌潛行地下南出積石 通鑑開元十六年正月丙寅宇文融請用禹貢九河故道開稻田以融為九河使事不就 蔡氏書傳九河其一則河之經流先儒不知遂分簡潔為二徒駭地志云滹沱褭宇記在滄州清池許商云在成平馬頰元和志在德州安德平原南東褭宇記在棣州滴河北輿地志即篤馬河覆釜通典在德州安德胡蘇褭宇記在滄之饒安無棣臨津三縣許商云在東光簡潔輿地記云在臨津鉤盤

寰宇記云在樂陵東南從德州平昌來輿地記云在樂陵鬲津寰宇記在樂陵東西北流入饒安許商云在鬲縣輿地記云在無棣太史不知所在自漢以來講求九河漢世近古止得其三唐人集累世積傳之語遂得其六歐陽忞輿地記又得其一或新河而載以舊名或一地而互為兩說皆無依據鄭氏求之不得又以為齊桓塞其八流以自廣夫曲防齊之所禁塞河宜非桓公所為惟程氏以為九河之地已淪於海引碣石為證今滄

州之地北與平州接境相去五百餘里禹之九河當在
其地後為海水淪沒故其迹不存漢王橫言昔天嘗連
雨東北風海水溢西南出浸數百里九河之地已為海
水所漸鄺道元亦為九河碣石苞淪於海碣石之地淪
入於海河益
徙而南曾氏曰其一不名者河之經流先儒分簡絜為

二非也

林氏以為不然河自大陸以北播為九道禹之
其勢均也安得以一為經流八為支派哉

前既有九河洪水湮塞禹乃疏之故此言九河既道但
疏通復其故道耳播之者非禹也河自冀之大陸北流
入兗分為九道張

洎曰河自魏郡貴鄉縣界分
為九道下至滄州合為一河

禹二渠

史河渠書夏書曰禹抑鴻水十三年過家不入門陸行

載車水行載

漢志作乘

舟泥行蹈毳山行即橋

漢志作則揭

以別

九州隨山浚川任土作貢通九道陂九澤度九山然河

苗衍溢害中國也尤甚唯是為務故道河自積石歷龍

門南到華陰東下砥

漢志作底

柱及孟

漢志作盟

津雒汭

漢志作內

至

于大伾

臣瓚曰黎陽山

於是禹以為河所從來者高水湍悍難

以行平地數為敗乃廝

漢志作醢

二渠以引其河

孟康曰醢分也分其

流泄其怒二渠其一出貝丘西南南者也其一則漯川也貝丘河自王莽時其流遂塞唯用漯耳貝丘屬清

河今清河郡西書稱北過泲水至于大陸是也漯川在汲郡東一里漯水出東郡東武陽東北至千乘入海桑

欽言出平原高唐書浮于漯是也

北載之高地過泲水

在信都

至于大陸

鉅鹿郡禹貢大陸澤程氏曰大陸孫炎曰鉅鹿北廣河澤去古河絕遠杜佑李吉甫以邢趙深三州為大陸

者得

播為九河同為逆河

漢志云迎河莽改勃海曰迎河

王

入于勃海

注瓚曰禹貢夾石碣石入于河然則河口入海乃在碣石也武帝元光二年河徙東郡更注勃海禹時不注勃

也海

九川既疏九澤既灑

漢志作陂

諸夏艾安功施于三代自

是之後滎陽下引河東南為鴻溝

索隱曰為二流一南經陽武為官渡水一

東經大梁城今之汴河是也

以通宋鄭陳蔡曹衛與濟汝淮泗會于

楚西方則通渠漢水雲夢之野東方則通溝江淮之間

於吳則通渠三江五湖於齊則通菑濟之間於蜀蜀守

冰

李水

鑿離隼辟沫水之害穿二江成都之中

杜預益州記云二江

者郫江流江也

此渠皆可行舟有餘則用溉浸百姓饗其利至

於所過引水益用溉田疇之渠以萬億計然莫足數也

溝洫志同

武帝道河北行二渠復禹舊迹

同上

封禪書至

瓠子塞決河徙二渠復禹之故迹 大事記周威烈王

十三年晉河岸傾壅龍門至于底柱春秋後河患見史

傳始於此秦漢以後始為大患

賈讓曰隄防起戰國
雍防百川各以自利

周語太子晉曰古之長民者不墮山不崇藪不防川不

竇澤夫川氣之導也澤水之鍾也疏為川谷以導其氣

陂唐汚庠以鍾其美故氣不沈滯而亦不散越昔共工

壅防百川墮高埋庠以害天下伯禹疏川道滯鍾水豐

物封崇九山決汨九川陂障九澤豐殖九藪汨越九原

宅居九隩合通四海 孟子禹之行水行其所無事也
大選司馬相如難蜀父老夏后堙洪塞原灋沈澹災
東歸之海

禹溝洫

益稷禹曰決九川距四海濬畎澮距川注九州名川通
之至海正義以小注大故從畎遂溝洫乃以入澮澮入
於川川入於海是畎內之水亦入海也 論語泰伯篇
禹卑宮室而盡力乎溝洫正義田間通水之道應劭曰

溝廣四尺深四尺洫廣深倍於溝 史記紀禹致費於
溝減注包氏曰方里為井井間有溝溝廣深四尺十里
為成成間有減減廣深八尺

周溝洫

地官遂人掌邦之野

野謂甸
稍縣都

凡治野夫間有遂遂上有

徑十夫有溝溝上有畛百夫有洫洫上有涂千夫有澮
澮上有道萬夫有川川上有路以達於畿注十夫二鄰
之田百夫一鄰之田千夫二鄙之田萬夫四縣之田遂

溝洫澮皆所以通水於川也遂廣深各二尺溝倍之洫
倍溝澮廣二尋深二仞經畛涂道路皆所以通車徒於
國都也萬夫者方三十三里少半里九而方一同以南
晦圖之則遂從溝橫洫從澮橫九澮而川同其外焉

稻人掌稼下地

以水澤之地種穀

以豬蓄水以防止水以溝蕩

水以遂均水以列舍水

非一道去水也

以澮寫水以涉揚其

芟作田注偃豬者蓄流水之陂也防豬旁隄也遂田首
受水小溝也列田之畦畛也澮田尾去水大溝 冬官

匠人為溝洫

主通利田間之水道

耜廣五寸二耜為耦一耦之伐

廣尺深尺謂之剛田首倍之廣二尺深二尺謂之遂

夫間

小溝九夫為井井間廣四尺深四尺謂之溝方十里為成

成間廣八尺深八尺謂之洫方百里為同同間廣二尋

深二仞謂之澮

此畿內采地之制采地制井田

專達於川各載其名

識水

所從出凡天下之地勢兩山之間必有川焉大川之上必

有涂焉凡溝必因水勢防必因地勢善溝者水漱之善

防者水淫之凡溝防必一日先深之以為式

程人功也里為

式然後可以傳衆力疏六鄉六遂與公邑皆為溝洫法

三等采地乃為井田按遂人則百里之內八十一澮此

井田則一同惟一澮彼遂在夫間故以南畝遂則縱矣

此井田云田首倍之為遂以南畝圖之遂即橫也遂人溝涂

之制與匠人異遂人言五溝之制而始於遂匠人言

五溝之制而始於剛地形有逆順水執有遲速故遂人

之溝澮疏匠人之溝澮密至于下地又有夏官司險

設國之五溝注遂溝洫澮川也掌固修溝池渠之固

秋官雍氏掌溝澮澮池之禁春令為溝澮之利民者

疏按遂人匠人惟有遂溝洫澮川不見有漬此云漬亦
田間通水者 詩築城伊洺 戰國策東周欲為稻西
周不下水 鄭子駟為田洫正封疆而侵四族田子產
作封洫 吳會黃池闕深溝於商魯之間城邦溝通江
淮 公劉居豳觀其流泉召伯營謝泉流既清

秦鄭國渠

漢溝洫志至於他往往引其水用溉田溝渠甚多然莫
足數也魏史起引漳水溉鄴後見其後韓聞秦之好興事

秦嬴政元年欲罷之無令東伐廼使水工鄭國間說秦令鑿涇

水自中山以西邸瓠口為渠

師古曰中讀曰仲即今九夔之東仲山也邸至也

索隱曰瓠口即谷口與池陽相近故曰池陽谷口

並北山東注洛三百餘里

洛水即馮

翊漆沮水欲以溉田中作而覺秦欲殺鄭國鄭國曰始臣為間

然渠成亦秦之利也臣為韓延數歲之命而為秦建萬世

之功秦以為然卒使就渠渠成而用溉注填閼之水溉為

鹵之地四萬餘頃收皆畝一鍾

六斛四斗

於是閼中為沃野無

凶年秦以富彊卒并諸侯因名曰鄭國渠 史記表始皇

元年乙卯作鄭國渠 地理志始皇之初鄭國穿渠引涇

水溉田沃野千里民以富饒

馮翊東德洛水東南入渭

通典京兆雲

陽縣有鄭國渠 水經注沮水東注鄭渠 唐夷狄傳杜

佑謂秦漢鄭渠溉田四萬頃白渠溉田四千五百頃永徽中兩渠灌浸不過萬頃大厯初減至六千畝畝腴一斛歲少四五百萬斛復兩渠之饒誘農夫趣耕河隴可復

秦石犀渠

輿地廣記秦時李冰作石犀五以厭水精穿石犀渠於

南江命之曰犀牛里

唐置犀浦縣屬益州取此為名

蜀都賦演以潛

沫浸以緜維溝洫脉散疆里綺錯黍稷油油粳稻莫莫
指渠口以為雲門灑漈池而為陸澤雖星畢之滂沱尚
未齊其膏液注李冰於湔山下造大壩以壅江水分散
其流溉灌平地故曰渠口

魏十二渠 漳渠

史記西門豹為鄴令鑿十二渠以富民 漢溝洫志魏
文侯時西門豹為鄴令有令名文侯曾孫襄王與羣臣

飲酒祝曰令吾臣皆如西門豹史起進曰魏氏之行田以百畝鄴獨二百畝是田惡也漳水在其旁西門豹不知用是不智也知而不興是不仁也仁智豹未之盡何足法也於是以史起為鄴令遂引漳水溉鄴以富魏之河內民歌之曰鄴有賢令為史公決漳水兮灌鄴旁終古烏鹵兮生稻粱

括地志漳水源出潞州長子縣西力黃山

史河渠書西

門豹引漳水溉鄴以富魏之河內 漢安帝紀元初二

年春正月修理西門豹所分漳水為支渠以溉民田注

渠今在相州鄴縣西 左思魏都賦西門溉其前史起

灌其後塏流十二同原異口苗為屯雲泄為行雨

注今鄴下

有十塏

晉束皙傳皙上議曰兩周爭東西之流史起惜

漳渠之浸明地利之重也

漢塞決河 宣防宮 復禹迹 瓠子歌

溝洫志漢興三十九年孝文時河決酸棗東潰金隄東

郡興卒塞之後二十六歲孝武元光中

三年五月

河決瓠子

東南注鉅野通淮泗上使汲黯鄭當時興人徒塞之輒

復壞時田蚡奉邑食鄒鄒居河北河決而南則鄒無水
災因言以人力强塞未必應天而望氣用數者亦以為
然是以久不復塞後三十餘歲歲數不登梁楚尤甚元
封元年上封禪祭山川明年二年乾封少雨夏四月使汲

仁郭昌發卒數萬人塞瓠子決河上用事萬里沙還

地枯

志在萊州掖縣
東北二十里

自臨決河湛白馬玉壁

以禮
水神

令羣臣從

官自將軍以下皆負薪寘決河下淇園之竹以為捷上
悼功之不成廼作歌曰瓠子決兮將奈何浩浩洋洋慮

殫為河吾山平兮鉅野溢魚弗鱗兮栢冬日歸舊川兮

神哉沛不封禪兮安知外一曰寧長菱兮湛美玉河公

許兮薪不屬隤林竹兮捷石菑宣防

史記作宣房

塞兮萬福

來

歌有
二章

於是卒塞瓠子築宮其上名曰宣防而道河北

行二渠復禹舊迹而梁楚之地復寧無水災 武紀元

封二年四月至瓠子臨河決塞河隄作瓠子歌 宣紀

本始二年詔曰武帝封泰山塞宣防

蘇林曰隄名在東郡界

河

渠書余從負薪塞宣房悲瓠子之詩作河渠書 封禪

書至瓠子自臨塞決河留二日沈祠而去使二卿將卒
塞決河徙二渠復禹之故迹焉 郊祀志河溢皋陸隄
繇不息 枚皋傳從行至甘泉塞河宣房上有所感輒
使賦之 石慶傳通八神以合宣房 叙傳文陘皋野
武作瓠歌 括地志故龍泉宮俗名瓠子宮亦曰宣房
宮在濮陽縣北十里今開德府濮陽有瓠子口河名也 九域志濮州
有瓠子河又開德府亦有之 水經瓠子河出東郡濮
陽縣北注縣北十里即瓠河口亦謂瓠子堰為宣房堰

水經又曰瓠河北過東郡范縣東北為濟渠
與將渠合又東北過荏平縣東為鄆里渠

通典秦

始皇二十二年攻魏決河灌其郡決處遂大不可復
補前地志金城郡河關縣注積石山在西南羌
中河水行塞外東北入塞內至章武入海過郡十六行
九千四百里

漢河決凡七孝文時酸棗孝武元光中瓠子又北決館
陶元帝永元五年清河靈鳴犢口成帝初後三歲館陶
後二歲平原鴻嘉四年渤海清河信都河水溢

張良渠

水經注漢中安陽縣水北有七女池池東有明月池狀如偃月皆相通注謂之張良渠蓋良所開也

漢漕渠 漕直渠 汾河渠 渠田 朔方溉

渠

漢運渠

見下唐廣運潭

武紀元光六年

壬子歲

春穿漕渠通渭 溝洫志元光中

河決於瓠子時鄭當時為大司農言異時開東漕粟從渭上度六月罷而渭水道九百餘里時有難處引渭水

穿渠起長安旁南山下至河三百餘里徑易漕度可令
三月罷渠下民田萬餘頃又可得以溉此損漕省卒而
益肥關中之地得穀上以為然令齊人水工徐伯表古師

曰行穿渠之處而表
記之今之立標是也發卒數萬人穿漕渠三歲而通以

漕大便利其後漕稍多而渠下之民頗得以溉矣後河
東守番係言漕從山東西歲百餘萬石更底柱之艱敗
亡甚多而煩費宜穿渠引汾溉皮氏汾陰下引河溉汾
陰蒲坂下度可得五千頃故盡河壩棄地民焚牧其中

今溉田之度可得穀二百萬石以上穀從渭上與關中無異而底柱之東可毋復漕上以為然發卒數萬人作渠田數歲河移徙渠不利田者不能償種久之河東渠

田廢予越人

師古曰越人習於水田

令少府以為稍入其後人有

上書欲通褒斜道及漕

見漕運

哀帝初賈讓言多穿漕渠

於冀州地使民得以溉田分殺水怒雖非聖人法然亦救敗術也據堅地作石隄冀州渠首盡當印此水門治渠非穿地也東方一隄北行三百餘里入漳水中其西

因山足高地諸渠股引取之旱則開東方下水門溉冀
州水則開西方高門分河流通渠有三利 食貨志先
是十餘歲河決灌梁楚地而緣河之郡隄塞河輒壞決
費不可勝計其後番係欲省底柱之漕穿汾河渠以為
溉田鄭當時為渭漕回遠鑿漕直渠自長安至華陰而
朔方亦穿溉渠作者各數萬人歷二三期而功未就費
亦各以鉅萬十數 班固西都賦東郊有通溝大漕潰
渭洞河泛舟山東控引淮湖與海通波 杜篤賦鴻渭

之流徑入于河大船萬艘轉漕相過

漢運渠

見下唐廣運潭

漢六輔渠

溝洫志自鄭國渠起

始皇元
年乙卯

至元鼎六年

庚午

百三十六

歲而兒寬為左內史奏請穿鑿六輔渠

師古曰在鄭國
渠之東今尚謂

之輔渠亦
曰六渠

以益溉鄭國傍高邛之田上曰農天下之本

也泉流灌浸所以育五穀也左右內史地名山川原甚

衆細民未知其利故為通溝瀆蓄陂澤所以備旱也今

內史稻田租挈重不與郡同

租挈收田租之約令郡謂四方諸郡也

其議

減令吏民勉農盡地利平繇行水勿使失時

平繇者均齊渠堰之

役力 兒寬傳遷左內史表奏開六輔渠

韋昭曰六輔謂京北焉翊扶

風河東河南河內也劉德曰於六輔界中為渠也師古曰二說皆非也溝洫志云益溉鄭國旁高印之田此則

於鄭國渠上流南岸更開六道小渠以輔助溉灌耳今雍州雲陽三原兩縣界此渠尚存鄉人名曰六渠亦號

輔渠河渠書云開內則輔渠定水令以廣溉田為用水靈輒是也焉說三河之地哉

立法令皆收租稅時裁濶狹與民相假貸 史河渠書

自宣房後用事者爭言水利朔方西河河西酒泉皆引
河及川谷以溉田而關中輔渠靈軹引堵水汝南九江
引淮東海引鉅定澤名泰山下引汶水皆穿渠為溉田各
萬餘頃佗小渠披山通道者不可勝言志同理道要訣
漢文翁為蜀郡太守穿剪洩口溉灌繁田千七百頃

漢屯氏河

溝洫志自塞宣房後河復北決於館陶分為屯氏河東
北經魏郡清河信都勃海入海廣深與大河等因其自

然不隄塞也此開通後館陶東北四五郡雖時小被水
害而兗州以南六郡無水憂元帝永光五年河決清河
靈鳴犢口而屯氏河絕成帝初清河都尉馮遂奏言郡
承河下流所以濶無大害者以屯氏河通兩川分流也
新絕未久其處易浚許商行視以為可且勿浚地理
志魏郡館陶河水別出為屯氏河東北至章武入海過
郡四行千五百里清河郡靈縣河水別出為鳴犢河東
北至菑入屯氏河信成張甲河首受屯氏別河

漢白渠 兩渠

溝洫志韓使水工鄭國間說秦令鑿涇水自中山西邸

瓠口為渠

即谷口

並北山東注洛三百餘里渠成而用溉

注填闕之水溉烏鹵之地四萬餘頃畝皆收一鍾關中

為沃野無凶年秦以富彊後武帝太始二年

鄭國渠至此百五十

二歲自六輔渠起至此十六歲

趙中大夫白公復奏穿渠引涇水首起

谷口尾入櫟陽注渭中袤二百里

水經注云出于鄭渠下南

溉田四

千五百餘頃因名白渠民得其饒歌之曰田於何所池

陽谷口鄭國在前白渠起後舉甬成雲決渠為雨涇水
一石其泥數斗且溉且糞長我禾黍衣食京師億萬之
口言此兩渠饒也地理志邯鄲有堵山牛首水所出
東入白渠魏郡武安欽口山白渠水所出武始有拘澗
水東北至邯鄲入白渠西都賦鄭白之沃衣食之源
提封五萬疆場綺分溝塍刻鏤原隰龍鱗決渠降雨荷
甬成雲五穀垂穎桑麻鋪荼潘岳西征賦浸決鄭白
之渠漕引淮海之粟水經注渭水又東得白渠口

理道要訣唐永徽中雍州刺史長孫祥奏曰鄭白渠昔溉田四萬餘今止萬許於是毀碾碓至大厯中纔六千

二百餘頃

唐事見後

漢龍首渠 井渠

溝洫志武帝時嚴熊

河渠書莊熊羆

言臨晉民願穿洛以溉重

泉以東萬餘頃故惡地

臨晉重泉皆馮翊縣

得水可令畝十石于

是發卒萬人穿渠自徵引洛水至商顏下

徵即所謂澧城也商顏商

山之

岸善傾乃鑿井深者四十餘丈往往為井井下相

通行水水隕以絕商顏東至山嶺十餘里間井渠之生

自此始穿渠得龍骨故名曰龍首渠作之十餘歲渠頗

通猶未得其饒

志不言年月

括地志伏龍祠在同州馮翊

縣西北四十里故老云漢穿渠得龍骨其後立祠因以

伏龍為名 長安志龍首渠在長安縣東北五里自萬

年縣界流入注于渭

一名漚水渠自萬年縣界龍首鄉馬頭控堰漚水入此渠西流由府

城東過入長安縣界 西京道里記曰隋開皇三年引漚水北流入苑渠在長樂坡上 堰近龍首即大明宮

所據龍首原也 漢武所穿在同州 後周武帝保定二

商顏山下謂漚渠名龍首渠者誤也

年正月壬寅初於蒲州開河渠同州開龍首渠以廣灌

溉唐見後

漢靈軹渠 成國渠 漳渠 昆明渠 修舊

渠

溝洫志武帝封禪明年塞瓠子是後用事者爭言水利

朔方西河河西酒泉皆引河及川谷以溉田而關中靈

軹

地理志扶風縣有靈軹渠武帝穿括地志靈軹渠一名蒙籠渠首起雍州鰲屋東十五里平地

水經注蒙籠源亦曰靈軹源

成國

地理志渠在右扶風郿縣首漳渠

受渭東北至上林入蒙籠渠

引諸川溉田萬餘頃

注如淳曰成國渠在陳倉渭水出韋谷成國地志與本注不同

黃圖漢圓丘在昆明故渠南 水經注渭水東合昆

明故渠 後西羌傳虞詡曰雍州厥田惟上因渠以溉

水春河漕用功省而軍糧足 後紀和帝永元十年三

月壬戌詔曰隄防溝渠所以順地理通利壅塞刺史二

千石其隨宜疏導安帝元初二年二月辛酉詔三輔河

內河東上黨趙國太原各修理舊渠通利水道以溉公

私田疇

漢均水約束 水門隄閘 鉗盧陂 六門堰

又見
陂類

召信臣傳遷南陽太守好為民興利躬勸耕農出入阡陌令視郡中水泉開通溝瀆起水門提閘凡數十處以廣溉灌歲歲增加多至三萬頃為民作均水約束刻石立於田畔以防分爭 張衡南都賦其陂澤則有鉗盧玉池赭陽東陂 通典建昭中信臣於穰縣南六十里造鉗盧陂累石為隄旁開六石門

又曰鄧州穰縣有六門堰鉗盧陂並召信

臣所作溉田三萬頃

後杜詩傳建武七年遷南陽太守修治陂

池廣拓田土時人方于召信臣為之語曰前有召父後有杜母 晉杜預傳預修召信臣遺跡激用洧清諸水以浸原田萬餘頃分疆刊石使有定分衆庶賴之號曰

杜父

預表曰所領部曲皆居南鄉界所近鉗盧大陂下有良田

漢郭昌直渠

又見河隄

溝洫志宣帝地節中光祿大夫郭昌使行河北曲三所水流之勢皆邪直貝丘縣恐水盛隄防不能禁廼各更

穿渠直東經東郡界中不令北曲渠通利百姓安之成
帝初清河都尉馮遂言地節時鄆昌穿直渠後三歲河
水更從故第二曲間可六里復南合今其曲執復邪直
貝丘宜復穿渠東行

漢篤馬河

溝洫志鴻嘉四年丞相史孫禁以為開通大河令入故
篤馬河韋昭曰在平原縣至海五百餘里許商以為孫禁所欲
開者在九河南篤馬河失水之迹處執平夷旱淤水敗

不可許公卿皆從商言

地理志平原有篤馬河東北

入海五百六十里

漢滎陽漕渠 水門

溝洫志待詔賈讓言若多穿漕渠於冀州地使民得以
溉田分殺水怒恐議者疑河大川難禁制滎陽漕渠足
以卜之

如淳曰今礫
谿口是也

其水門但用水與土耳 地理志河

南郡滎陽卞水馮池皆在西南有狼湯渠首受沛東南

至陳入潁

有教倉

漢王渠 御水

王嘉傳哀帝為董賢治大第開門鄉北闕引王渠灌園池注蘇林曰王渠官渠也猶今御溝晉灼曰渠名在城東覆盎門外後宦者傳朱瑀盜取御水以作魚釣注水入宮苑為御水水經注故渠東出城分為二渠即王渠也西京賦橫西洫而絕金墉

漢狼湯渠 魯渠 渦渠

地理志河南郡滎陽卞水馮池皆在西南有狼湯渠

浪音

宕首受沛東南至陳入潁陳留郡陳留有魯渠首受狼湯渠東至陽夏入渦渠浚儀故大梁睢水首受狼湯水東至取慮入泗淮陽國扶溝渦水首受狼湯渠東至向入淮水經河水又東過滎陽北荂湯渠出焉陰溝水出河南陽武縣荂蕩渠

漢太白渠

地理志常山郡蒲吾縣有鐵山太白渠首受縣曼水東南至下曲陽入斯浚太原郡上艾縣縣曼水東至蒲吾

入庫池水真定國縣曼縣斯汶水首受太白渠東至鄆
入河

漢濮渠 沛渠

地理志陳留郡封丘有濮渠水首受沛東北至都關魯
國蕃縣南梁水西至胡陵入沛渠 水經注濮水枝津
上承濮渠

漢黃溝 七里渠

地理志陳留郡外黃注臣瓚曰縣有黃溝故氏之張曼

曰魏郡有內黃故加外 魏郡內黃注臣瓚曰國語吳
子會諸侯于黃池掘溝于齊魯之間今陳留外黃有黃
溝是也 文選西征賦注長安圖曰漢時七里渠有飲
馬橋

漢朔方渠

匈奴傳

見城類

漢木里溝

水經沔水又南得木里水會注楚時於宜城東穿渠上

口去城三里漢南郡太守伍寵又鑿之引蠻水灌田謂之木里溝逕宜城東而東北入于沔謂之木里水口引鴈水灌田七百頃白起渠溉三千頃

漢都水 水官 陂官 湖官 晉都水官

河隄四部

百官表太常屬官有都水長丞

注如淳曰律都水治渠隄水門黃圖云三輔皆

有都水治粟內史都水官長丞皆屬少府屬官有都水長

丞水衡都尉屬官有水司空都水甘泉上林都水長丞

京兆尹屬官有都水長丞左馮翊屬官有左都水長丞
右扶風屬官有都水長丞列傳馮參領護左馮翊都水

劉向召拜為中郎使領護三輔都水

向云護左都水使者

息夫

躬持節領護三輔都水躬立表欲穿長安城引漕注太
倉下以省轉輸議不可成廼止 許楊為都水掾

後方術

任延拜武威太守河西舊少雨澤乃為置水官吏修

理溝渠皆蒙其利

後循吏

後百官志郡有都水官者隨

事廣狹置令長及丞有水池及魚利多者置水官主平

水收漁稅 前地理志九江郡有陂官湖官 周禮注

漢始置司隸亦使將徒治道溝渠之役 晉志都水使

者漢水衡之職也武帝省水衡置都水使者一人以河

隄謁者為都水官

江左省河隄謁者

大司農統襄國都水長

華嶠傳嶠奏浚導河渠循禹之舊迹置都水官 傅玄

傳玄上疏曰先帝分河隄為四部凡五謁者以水功至

大與農事並興非一人所周也 通鑑開元十六年正

月丙寅宇文融為汴州刺史河南北溝渠隄堰決九河

使管子度地篇桓公問備五害之道管子曰以
水為始請為置水官令習水者為吏大夫大夫佐
各一人率部校長官佐各財足乃取水左右各一
人使為都匠水工令之行水道城郭堤川溝池云
云

漢河隄謁者

都尉

又見官名

唐河隄謁者

王景傳永平十三年夏汴渠成帝親自巡行詔濱河郡
國置河隄員吏如西京舊制

注十三州志曰成帝時河隄大壞汎濫青徐兗豫四

州畧偏乃以校尉王延世領河隄謁者秩千石或十五
名其官為護都水使者中興以三府掾屬為之

年從駕東巡狩至無鹽帝美其功績拜河隄謁者賜車

馬繅錢

漢官儀舊河隄謁者世祖改以三府掾屬為謁者領之遷御史中丞刺史或為小部監察

後五行志云云注陳宣為河隄謁者

王莽篡位不仕光武即位召

平當傳以經明禹貢使行河為騎都尉領河隄 李尋

傳以尋言且有水災故拜尋為騎都尉使護河隄 前

溝洫志遣大司農調河決所灌之郡謁者二人徙民避

水河隄使者王延世使塞以竹落小石兩船夾載而下

之三十六日河隄成河隄都尉許商與丞相史孫禁共

行視圖方畧哀帝初平當使領河隄奏言九河今皆寔

減晉志漢都水長丞主陂池灌溉保守河渠屬太常

東京省都水置河隄謁者

崔瑗有河隄謁者箴

魏因之

晉見後

水

經濟水又東合滎瀆注瀆水受河水有石門謂之為滎

口石門門南際河有故碑云惟陽嘉三年二月丁丑使

河隄謁者王誨疏達河川述荒庶土云大河衝塞侵齧

金隄以竹籠石葺葦土而為遏壞隄無已功消億萬請

以濱河郡徙疏山采石壘以為郭功業既就徭役用息
詔書許誨立功府鄉規基經始詔策加命遷在沈州乃
簡朱軒授使司馬登令纘茂前緒稱遂休功登以伊洛
合注大河南則緣山東過大伾回流北岸其勢鬱濛濤
怒湍急激疾一有決溢彌原淹野蟻孔之變害起不測
盖自姬氏之所常憾昔崇鮪所不能治我二宗之所劬
勞於是乃跋涉躬親經之營之比率百姓議之于臣伐
石三谷水匠致治立激岸側以捍鴻波隨時慶賜說以

勸之川無滯越水土通演役未踰年而功程有畢斯乃
元勲之嘉課上德之弘表也昔禹修九道書錄其功后
稷躬稼詩列于雅夫不憚勞謙之勤夙興厥職克國惠
民亦得湮沒而不章焉故遂刊石記功垂示于後使河隄謁
者司馬登字伯志王梅字孟堅唐志都水監河隄謁者六人正八品
下掌隄堰溝瀆漁浦之事涇渭白渠以京兆少尹一人
督視

漢陽渠

張純傳建武二十三年為大司空明年上言穿陽渠引洛水為漕百姓得其利注陽渠在洛陽城南 水經注城之西南有陽渠周公制之

漢汴渠 浚儀渠 荇蕩渠 鴻溝 浚儀二渠 禹貢圖 河渠書

明帝紀永平十二年夏四月遣將作謁者王吳修汴渠自滎陽至于千乘海口千餘里

注汴渠即荇蕩渠也汴自滎陽首受河所謂石

門在滎陽山北一里過汴以東積石為隄亦號金隄順帝陽嘉中所作也 前志有狼湯渠 說文過水受淮

陽扶溝狼湯渠東入淮

十三年夏四月汴渠成辛巳行幸滎陽巡

行河渠乙酉詔曰自汴渠決敗六十餘歲

王景傳云平帝時汴河壞

決加頃年以來雨水不時汴流東侵日月益甚水門故

處皆在河中潏潏廣溢莫測涯岸蕩蕩極望不知網紀

今豫兗之人多被水患乃云縣官不先人急好興他役

又或以為河流入汴幽冀蒙利故曰左隄強則右隄傷

左右俱強則下方傷宜任水勢所之使人隨高而處公

家息壅塞之費百姓無陷溺之患議者不同南北異論

朕不知所從久而不決今既築隄理渠絕水立門河汴
分流復其舊迹陶丘之北漸就壤墳故薦嘉王潔牲以
禮河神東過洛汭歎禹之績令五土之宜反其正色濱
渠下田賦予貧人無令豪右得固其利庶幾世宗瓠子
之作因遂度河登太行進幸上黨 王景傳沉深多技

藝辟司空伏恭府時有薦景能理水者顯宗詔與將作

謁者王吳共修作浚儀渠

水經注云渠流東注浚儀

吳用景塢流法

水乃不復為害初平帝時河汴決壞不及修建武十年

陽武令張汜上言改修隄防光武嘗發卒營功浚儀令
樂俊上言新被兵革未可修理遂止後汴渠東侵日月
彌廣而水門故處皆在河中兗豫百姓怨嘆以為縣官
恒興他役不先民急永平十二年議修汴渠乃引見景
問以理水形便景陳其利害應對敏給帝善之又以嘗
修浚儀功業有成乃賜景山海經禹所作十三篇河渠書太史公禹
貢圖及錢帛衣物夏遂發卒數十萬遣景與王吳修渠
築隄自滎陽東至于乘海口千餘里景乃商度地勢鑿

山阜破砥績直截溝澗防遏衝要疎決壅積十里立一水門令更相洄注無復潰漏之患景雖簡約役費然猶以百億計明年夏渠成帝親自巡行詔濱河郡國置河隄員吏如西京舊制景由是知名王吳及諸從事掾吏皆增秩一等景為侍御史十五年從駕東巡狩至無鹽帝嘉其功績拜河隄謁者賜車馬縑錢章紀元和三年二月壬寅詔曰歷魏郡經平原升踐隄防詢訪耆老往者汴門未作深者成淵淺則泥塗追惟先帝勤人之

德底績遠圖復禹弘業聖迹滂流至于海表月令孟夏

善相丘陵土地所宜今肥田尚多未有懇聞其悉賦貧

民云 通典汴渠在河陰縣南二百五十步

坤元錄云亦名茺蕩

渠今名通濟渠首受黃河漢書有滎陽漕渠

元和郡縣志汴渠在河陰縣

南二百五十步

漢滎陽縣

亦名茺蕩渠禹塞滎澤開渠以通

淮泗漢永平命王景修渠自宋武北征之後復堙塞大

業元年更開導名通濟渠

隋氏作之雖勞後代實受其利

水經注浚

儀縣竹書紀年梁惠成王三十一年三月為大溝於此

郭以行圃田之水陳留風俗傳曰縣北有浚水像而儀之故曰浚儀續述征記曰汴沙到浚儀而分汴東注沙南流建寧四年於敖城西北壘石為門以遏渠口謂之石門故世亦謂之石門水門廣十餘丈西去河三里石銘云建寧四年十一月黃場石 史記高紀四年項羽與漢王約中分天下割鴻溝而西為漢東為楚正義應劭云在滎陽東南二十里文穎曰於滎陽下引河東南為鴻溝

後志滎陽有鴻溝水

以通宋鄭陳蔡曹衛與濟汝淮泗會

於楚

溝洫志
河渠書

即今官渡水也張華云大梁城在浚儀縣

縣西北渠水東經此城南又北屈分為二渠其一渠東

南流始皇鑿引河水以灌大梁謂之鴻溝楚漢會此處

也一渠東經陽武縣南為官渡水今鴻溝口在河口西

百里鴻溝歷大梁城東南入睢泗俱入淮會於楚地

水經

注云瓠子之水絕而
不通唯溝瀆存焉

戰國策秦決滎澤而水大梁又

曰魏南有鴻溝魏武紀建安七年正月至浚儀治睢

陽渠後魏書崔亮議修汴蔡二渠以通邊運說文

汭水受陳留浚儀陰溝至蒙為陂水東入于泗

漢蒲吾渠 石臼河 羊腸倉

郡國志常山國蒲吾注史記番吾君杜預曰晉之蒲邑也古今注曰永平十年作常山呼沱河蒲吾渠通漕船

也

南行唐有石臼谷

雁門郡鹵城注山海經曰泰一作戲之

山呼沱之水出焉周禮并州其川呼沱魏志曰建安十年鑿渠自呼沱入汾名平虜渠 光武紀至呼沱河注在今代州繁峙縣東流經定州深澤縣東南即光武所

度處今俗猶謂之危度口臣賢按呼沱河舊在饒陽南至魏太祖曹操因饒河故瀆決令北注新溝水所以在饒陽北章紀建初三年夏四月己巳罷常山呼沱石臼河漕注石臼河名在今定州唐縣東北時鄧訓上言此漕難成遂罷之漕水運也鄧后紀父訓為謁者使修石臼河歲活數千人鄧訓傳永平中理葺沱石臼河從都慮一作盧至羊腸倉欲令通漕太原吏人苦役連年無成轉運所經三百八十九隘前後沒溺不可勝筭

建初三年拜訓謁者使監領其事訓考量隱括知大功難
立具以上言肅宗從之遂罷其役更用驢輦歲省費億
萬計全活徒士數千人注酈元水經注云汾陽故城積
粟所在謂之羊腸倉在晉陽西北石陞縈委若羊腸焉
故以為名今嵐州界羊腸阪是也 史記蘇秦曰燕南
有噶沱易水 唐六典呼沱在定滄二州界與漳水合

漢方梁石洫

鮑昱傳永平五年拜汝南太守郡多陂池歲歲決壞費

常三十萬餘畝乃作方梁石洫水常饒足溉田倍多人
以殷富注洫渠也以石為之猶今之水門 馬援傳嶠
南悉平所過為郡縣治城郭穿渠灌溉以利民 類要
蔡州石塘陂在真陽縣西北二十里鮑昱甃石堰水灌
田

漢鮑陽渠 樊惠渠

何敞傳和帝時為汝南太守敞疾文俗吏以苛刻求當
世名譽故在職以寬和為政又修鮑陽舊渠百姓賴其

利墾田增三萬餘頃吏人共刻石頌敞功德注鮦陽縣

屬汝南郡

鮦陽在鮦水之陽

故城在今新蔡縣北水經注云葛

陂東出為鮦水俗謂之三丈陂

水經注又云鮦陂東注為富水

藝文

類聚蔡邕京北樊惠渠頌光和五年京兆尹樊君立新渠

漢漳水支渠

魏漳渠見上

安帝紀元初二年春正月修理西門豹所分漳水為支渠以溉民田注史記曰西門豹為鄴令發人鑿十二渠

引水溉田 魏志建安十八年九月鑿渠引漳水入白

溝以通河 前地志上黨郡長子鹿谷山濁漳水所出

東至鄴入清漳 魏郡武始漳水東至邯鄲入漳 又邯鄲縣注云

漳水之別 魏都賦石杠飛梁出控漳渠疏通溝以濱路羅

青槐以蔭塗注魏武帝堰漳水在鄴西二十八里名曰

漳渠堰東入鄴城經宮中東出南北二溝夾道東行出

城所經石竇也 東魏築漳濱堰 本朝志相州鄴縣有西門渠

漢太原舊渠

安紀元初三年春正月甲戌修理太原舊溝渠溉灌官私田注酈元水經注曰昔智伯遏晉水以灌晉陽後人踵其遺跡蓄以為沼分為二派北瀆即智氏故渠也其瀆乘高東北注入晉陽城以溉灌東南出城注于汾水今所修溝渠即謂此地理志晉陽晉水所出東入汾

漢三郡河渠

西羌傳順帝永建四年虞詡上疏帝乃復三郡

朔方河西河上郡

使謁者郭璜督趣徙者各歸舊縣繕城郭置候驛既而

激河浚渠為屯田省內郡費歲一億計

漢鹽監渠

見鹽池

漢御溝

文選注洛陽記曰天淵南有召溝御溝也崔豹古今注
曰長安御溝謂之楊溝植楊於溝上

亦見黃國

戴延之西征

記曰御溝引金谷從閭闔門入雍州圖經曰金谷水出

藍田西終南山西入霸水

漢平虜渠 泉州渠

魏志建安十一年三郡烏桓承天下亂破幽州略有漢民合十餘萬戶袁紹皆立其酋豪為單于遼西單于蹋頓尤彊尚兄弟歸之數入塞為害曹公將征之鑿渠自呼沱入泝音孤水名平虜渠又從洵音句河口鑿入潞河名泉州渠以通海一云通運十二年八月斬蹋頓唐亦有平虜渠

漢三渠

唐吐蕃傳大曆十三年虜大酋馬重英以四萬騎寇靈

州塞漢御史尚書三渠以擾屯田為朔方留後常謙光
所逐 史河渠書太史公曰迎河行淮泗濟漯洛渠

魏成國渠

臨晉陂

漕渠

詳見屯田

魏明帝青龍元年司馬懿穿成國渠築臨晉陂溉田數

千頃國以充實焉

出晉宣帝紀將軍都督雍梁二州

時懿封舞陽侯遷大將軍事與漢諸

葛亮相距方退

食貨志開成國渠自陳倉至槐里築臨晉陂

引汧溉烏鹵之地三千餘頃

元和志在郿縣東北九里受渭水溉田

鄧

艾傳時欲廣田蓄穀為減賊之資使艾行陳潁以東至

壽春艾為田良水少不足以盡地利宜開河渠可以大積軍糧又通軍運之道乃著濟河論以喻其指正始二年乃開廣漕渠每東南有事大軍出征泛舟而下達于江淮資食有餘而無水害艾所建也

正始三年三月司馬仲達奏穿廣漕

渠引入汴溉東南陂始大田於淮北

東晉傅皙議曰谷口之謠載在史

篇荆揚兗豫汙泥之土渠塢必多不待天時而豐年可獲以其雲雨生于畚市多稔生於決泄

魏淮陽渠 百尺渠 二渠 討虜渠

見屯田類

文帝紀黃初六年三月行幸召陵通討虜

渠 晉食貨志魏修廣淮陽百尺二渠上引河流下通

淮潁大治諸陂於潁南潁北穿渠三百餘里溉田二萬
頃淮南淮北皆相連接 隋志潁川郡北舞縣有百尺
溝

魏賈侯渠

晉食貨志賈逵為豫州刺史南與吳接修水戰之具過
汝水造新陂又通運渠二百餘里所謂賈侯渠也 魏

志遏鄆汝造新陂又斷山溜長谿水造小弋陽陂又通運渠云云

魏雁門渠

牽招傳為雁門太守郡所治廣武井水鹹苦民皆遠汲招準望地勢因山陵之宜鑿原開渠注水城內民賴其益胡質都督青徐廣農積穀有兼年之儲置東征臺且佃且守又通渠諸郡利舟楫嚴設備以待敵海邊無事

魏五龍渠 千金渠 九龍渠 周陽渠

水經注河南縣城東十五里有千金塢洛陽記曰千金塢舊堰穀水魏時更修此堰謂之千金塢積石為塢而開溝渠五所謂之五龍渠渠上立塢塢之東首立一石人腹上刻勒云太和五年二月八日庚戌造築此塢更開溝渠蓋魏文帝修王張故績也塢是都水使者陳協所造語林曰晉文王欲修九龍堰阮步兵舉協掘地得古承水銅龍六枚堰遂成水歷塢東注謂之千金渠晉

世又廣功焉石人東脇下文云大始七年六月二十三
日大水蕩壞二塢云云今故為令遏更於西開泄名曰

代

一作

龍渠增高千金於舊一丈四尺若五龍歲久復

壞可轉於西更開二塢二渠合用二十三萬五千六百
九十八功以其年十月二十二日起作功重人少到八

年四月二十日畢代龍渠即九龍渠也朝廷太和

元魏

修復故塢晉造石渠於水上案橋西門之南頗文稱晉
元康二年十一月二十日改治石巷水門除堅枋更為

丞枋三年三月十五日畢漢司空王梁為河南將引穀水以溉京都渠成而水不流後張純堰洛而通漕是渠今引穀水蓋純之創也案陸機洛記劉澄之永初記言城之西面有陽渠周公制之也亦謂之九曲瀆故河南十二縣簿云九曲瀆在河南鞏縣西西至洛陽傳暢晉書云都水使者陳良鑿運渠從洛口入注九曲至東陽門陽渠水南暨閭闔門又東逕亳殷南

魏車箱渠

水經注劉靖碑云魏使持節都督河北道諸軍事劉靖
登梁山以觀源流相際以度形勢嘉武安之通渠羨秦
民之殷富乃使帳下督丁鴻軍士千人以嘉平二年立
遏於水道高梁河造戾陵遏開車箱渠其遏表云高梁
河水者出自并州黃河之別源時長岸峻固直截中流
積石籠以為主遏高一丈東西長三十丈南北廣七十
餘步依北岸立水門門廣四丈立水十丈灌田歲二千
頃凡所封地百餘萬畝至景元二年辛酉詔書遣謁者

樊晨更制水門限田千頃刻地四千三百一十六頃出
給郡縣改定田五千九百三十頃水流乘車箱渠自薊
西北逕昌平東盡漁陽潞縣凡所潤含四五百里所灌
田萬有餘頃高下孔濟原隰底平䟽之斯溉決之斯散
導渠口以為濤門灑彪池以為甘澤施加於當時敷被
于後世晉元康四年子弘持節幽州起長岸立石渠修
立遏治水門門廣四丈立水五尺詩載經始勿亟易稱
民忘其勞感秦國思鄭渠之績魏人置豹祀之義追述

成功元康五年十月十一日刊石立表以紀勲烈並記
遏制度永為後式

晉河隄謁者 汴渠

傳玄傳泰始四年為御史中丞上疏言便宜五事其三
曰魏初未留意於水事先帝統百揆分河隄為四部并
本凡五謁者以水功至大與農事並興非一人所周知
故也今謁者一人之力行天下諸水無時得徧伏見河
隄謁者車誼不知水勢轉為他職更選知水者代之可

分為五部使各精其方宜其四曰河隄謁者石恢甚精練水事及田事知其利害乞中書召問得失 通鑑義

熙十二年劉裕伐秦八月丁巳發建康沈林子劉遵考將水軍出石門自汴入河王仲德督前鋒諸軍開鉅野入河九月林子自汴入河仲德水軍入河入滑臺十三年十二月庚子裕發長安自洛入河開汴渠以歸 輿

地廣記汴渠在河陰縣南二百五十步即古蒺蕪渠今名通濟渠首受黃河 通典水經云河水又東過滎陽

北茭蕩渠出焉鄴元注云大禹塞滎澤開渠以通淮泗

晉三渠 壽春舊渠

晉食貨志武帝泰始十年光祿勳夏侯和上修新渠富
壽游陂三渠凡溉田千五百頃咸寧三年杜預言自頃
戶口日增而陂竭歲決良田變生蒲葦前見尚書胡威
啟宜壞陂又宋侯相應遵求壞泗陂徙運道案運道東
詣壽春有舊渠可不由泗陂宜敕刺史二千石其
漢氏舊陂舊竭及山谷私家小陂皆當修繕以積

水荀美自光水引汶
通渠以征慕容蘭

元魏薛虎子上表云徐

州良田十萬餘頃水陸肥沃清汴通流足以溉

灌

後魏流化渠

見塘類

後魏督亢渠陂

盧文偉傳說刺史裴儁案舊迹修督亢陂溉田萬餘頃
人賴其利裴延儁傳遷幽州刺史范陽郡有舊督亢

渠徑五十里漁陽燕郡有故戾陵諸埭廣袤三十里表

求修復營造溉田百萬餘畝為利十倍百姓賴之後魏明帝

時

北齊平州刺史嵇曄開督亢陂置屯田乾明元年括

地志陂在幽州范陽縣東南十里劉向別錄督亢膏

腴之地史記正義亢澤無水斥鹵之謂

隋廣通渠 漕渠 富人渠

隋食貨志文帝以渭水多沙深淺不常漕者常苦之開
皇四年六月壬子詔左庶子宇文愷帥水工鑿引渭水

自大興城東至潼關三百里名廣通渠漕運通利關內

賴之

三年華州置廣通倉

紀開皇四年六月壬子開渠自渭運

門以通運九月乙丑幸霸水觀漕渠七年四月庚戌於

揚州開山陽瀆以通運漕十五年六月戊子詔鑿砥柱

蘇孝慈傳上於陝州置常平倉轉輸京下以渭水多

沙流乍深乍淺漕運者苦之於是決渭水為渠以屬河

令孝慈督役郭行傳開皇元年為開漕渠大監

率水工鑿渠引渭水經大興城北東至潼關漕運

四百餘里關中賴之名富人渠 地理志京兆郡
武功有永豐渠普濟渠涇陽有茂農渠華陰有白
渠

隋利人渠 豐兗渠

盧賁傳為懷州刺史開皇中決沁水東注名曰利人渠
又派入溫縣名曰溫潤渠以溉鵠鹵 薛胄傳開皇中
為兗州刺史先是城東沂泗水合而南流汎濫大澤中
胄遂積石堰之決令西注陂澤盡為良田又通漕運利

盡淮海百姓賴之號為薛公豐兗渠 元和志陝縣北
利人渠開皇六年蘇成引橐水西北入城百姓賴其利
故名南利人渠東南自硤石界流入與北渠同時疏導

隋通濟渠 永濟渠

煬帝紀大業元年三月辛亥開通濟渠自西苑引穀洛
水達于河自板渚引河通于淮 通鑑大業元年三月
發淮南民十餘萬開邗溝自山陽至揚子入江渠廣四
十步築御道植以柳四年正月乙巳開永濟渠引沁水

達于河北涿郡 地理志滎陽郡浚儀有通濟渠蔡水

通典通濟渠西道河洛南達江淮

又云魏州魏縣白
溝水賜帝引通濟

渠亦名
御河

九域志汴水古通濟渠也 元和志通津渠

在河南縣南三里隋大業元年分洛水西北名千步磧
渠東北流入洛水通濟渠自洛陽西苑引穀洛水達于
河自板渚引河入汴口又從大梁之東引汴水入于泗
達于淮自江都宮入于海亦謂御河築御道植以柳
國史志大名府永濟縣有永濟渠

新刊
神農
本草

玉海卷二十一